

■ GLOSSA

Il café è pront

(Youtube – Peter Cornelius – Der Kaffee ist fertig)

DA SILVIO CAMENISCH

So. Super-Mario avess spinà il café empermess al startatur Tuor ch'al aveva chatschà malamain en las stretgas pervi dal rumantsch grischun. Il recordist da premis per la litteratura rumantscha general, sursilvana en la tradiziun dal «Stai si defenda» spezial fin ussa, aveva effectiv mess il smart politicher cun il dies betg uschè lad cunter la paraid: U che ti mussas colur, stas si defendas noss sursilvan cunter quest hura «rg» bastardà u che nus n'elegin betg tai. Ed ha pront contonschè il vuli.

L'aspirant da la pcd sin lin sez guvernamental ha subit, postwendend, dà giu ses confess a pro dal «Stai si defenda». (LQ aveva rapportà). Insatge uschia n'hai mai dà fin ussa: ch'in cultatur e decidi defensur dal vegl slogan «Stai si defenda» tant sco decida anticipadamain elecziuns chantunalas, salva cun la smanatscha piazzada il sez pli che merità da la pcd a la pcd. Bravo. Magari dovri il dretg al dretg lieu il dretg mument. Jau nominass il dretg per l'emprim premi da curaschi tar elecziuns.



Stuess ins anc chattar in Sbel Café en territori occupà dals «Stai si defendists» senza gia gartegiar vid ina maisa cun romantilibans da tschella persuasiun e ristgar la vita. U fa il novelegi cuss. gov. Super Mario quai tar el a chasa, sco i vegn fatg en il song da success: «Der Kaffee ist fertig»? Là vegn il café chaud purtà da l'um sin tablet a la dunna en letg. E bun café sto esser chaud; sco figl dal bainenconuschent cumiss da café durant decennis tant per la part catolica sco reformada da la Surselva sai jau quai. Las chasarinas avevan gugent mes bab il «Martin da café», ed era ses café arab.

Cun noss Super Mario en la regenza fiss uss la Baselia catolica puspè

amez vischanca. In temp n'era ins betg uschè segir. Per cletg han ils dretgs il dretg mument al dretg lieu, en Surselva, rendids attents votants e votantas da serrar las ritschas e votar serradamain per ils noss. In relativissem latent en fatgs da vita e cretta e votaziuns è sa fatg lad en territori da la pcd. Pront sa mussan ils vegls dinos: Blochersaurus e Mörgelisaurus e Alieschosaurus da l'ultra tranter chaglias, Rain, via sursilvana e basa da helicopter, cun giuvens e fitg giuvens suenter la cua als babs.

Forsa envida Super Mario betg mo il cultatur tar in café, mabain tuts e tuttas ch'han cun lur voting contribuì al success maispetgà. Da l'autra vart dastgass era la populaziun senza sa mussar spendabla vers ses conburgais tuttina cun fermas ragischs sursilvanas e catolicas, jau maneggel mo, cun sportists fan ins ardumbeluns dat intschains fa enclins, pertge betg cun politichers tuttina? Ins avess era pudì cuir a la Barla. Betg stà mes di. Silmain sun jau betg obligada d'envidar tar in café glied ch'ins sehona nagut. È er insaco vair.